

《國王个新衫》學習單

一、語詞學習

1. 戇人：ngong ngin^ˇ，傻瓜、笨蛋。例句：佢會該細人仔恁精，毋係大家講个戇人。
2. 落仔：lau e[、]，騙子。例句：落仔專門騙貪心个人。
3. 詐意：za i，假裝、故意。例句：阿爸喊佢，佢詐意到該寫作業。
4. 無閒直掣：mo^ˇ han^ˇ ciid cad，忙個不停。例句：阿姆一日到暗無閒直掣，當辛苦。
5. 著驚：cog giang[、]，吃驚、嚇到。例句：先生旋風行到吾頭前，害佢著驚一下！
6. 額頭：ngam[、] teu^ˇ，點頭。例句：阿華上臺表演奇術，大家額頭緊笑。
7. 煞煞：sad[、] sad[、]，趕快。例句：煞煞！會赴毋着頭枋車哩！
8. 身項：siin[、] hong，身上。例句：佢身項無錢，毋知愛仰般生活。
9. 忍毋核：ngiun[、] m^ˇ hed，忍不住。例句：你係忍毋核，就遽遽去上便所。
10. 高不將：go[、] bud[、] jiong[、]，不得已、只好。例句：細人仔愛讀高中，佢高不將搬到都市去。

二、句仔學習

1. 先…，再…。
先試這一身，再著該一領。
先看一場電影，再去食一碗點心。
2. 毋單止…，還…。
這兜織个布仔毋單止靚，還有特殊个功能。
老弟毋單止會讀書，還會摻同學搵手。
3. …毋過…！
佢兜看著光溜溜仔个國王，毋過無人敢講出來！
佢頭腦當好，毋過無用到著个地方！



三、講看啊

1. 故事裡肚个國王，係一個仰仔个人？
係一個好著新衫、好面子、中意聽好聽个話个人、無想分人看做戇人。
2. 該兩個落仔，佢會恁敢推薦自家同國王做新衫？
佢兜看出國王係好著新衫个人，乜係好面子个人。脣頭个人淨會講國王中意聽个話，毋敢講真話，驚做戇人。
3. 該細人仔講「國王光溜溜仔，麼个衫褲乜無著啊！」這句話係正經个抑係假个？
係正經个哦！故事裡肚，淨細人仔講真話，其他人毋係講花蓼，就係同國王講好聽个話，包含國王自家乜恁樣，驚做戇人。

四、做看啊（延伸學習、補充介紹）

在故事裡肚，細人仔係唯一講實話个人。在日常生活裡肚，你識對自家个屋下人抑係同學講假話無？係在種情況之下講假話騙人？當時个心情係仰般？這下試著仰般？請你講分屋下人聽看啊哦！